

Aṅwà'ànè Paul yi ntsyàmɓii a mbo TIMOTI

NJI'INNŪ AṅWÀ'ANƏ YŪ

A aṅwà'ànè yū aa a le ḡwà'ànə Paul a mbo Timoti. Timoti à le mbə múḡwà'à yīi mə à le mbə Krisən nlo a Lystra. Nde yī à le mbə ḡu baYuda lá taà yī a bāḡnə mbə ḡu baGrikia (ɛfà'à 16.1-3). Timoti à le mbii Nwī, nnaṅsə ntswe nī àbīintiī nlòḡinè aa a múḡkhə nloḡ mə maà yī bō ndè yī bo le mbə bāḡgyè bi abīintiī aà (2 Tim. 1.5). Paul à le ntsyà ñlòḡə yi a Lystra wa noð mə à le ḡḡè akòrè nìtəə nī afà'á yi yi ntsyàmɓii, ḡḡetə yi bo yu tigè mfa'a ḡkarə (1.3) à lòḡə yi nī mú yī “yī ànnù nīḡkoḡ a mùm àbīintiī” (1.2).

Paul à le mà'àtə Timoti a Efeso ḡka ḡḡè a Macedonia aa ñlèè Timoti mə tâ à tswə ḡhu ḡka nlentə ḡḡotə baEfeso yā. Paul a tigè ḡḡwà'anə ḡwà'ànə ji baa ḡhu mbo ndi'itə nī yi ḡhu a nī ifà'á yi a ḡḡotə. Bi twəḡ ḡwà'ànə ma jū ji baa mə à le ḡwà'ànə a mbo Timoti bo bì yīi mə à le ḡki ḡwà'anə a mbo Titus aa nī “ḡwà'ànə bīpasto” ñloḡ mə i ḡhàà ñloḡ aa atufà'à bīpasto, nnaṅsə swəḡə nī mbuu bē bīi mbə bi ləè waa nī bīpasto aà.

A ḡwà'ànə a ntsyàmɓii aa a ḡwà'àsə yi nloḡ ḡḡāḡndi'innū mbwe'esə, mə tâ à swəḡə bì kentə (1.3). Bè ma bú le si dī'ì nī mə njoo jīi mə bi yə fàa a atu nsyè aa i tswə nī ìbī. Mbə ḡu a yweenə

aa mē tâ bē ka ŋwa'atē bē ìnnù j̄i i z̄i a atu bo bo swùŋnè ghu, mbaŋnè mmà'atē annù ȳi mē Nwĩŋgòŋ a m̄r̄isè yi'inè ghu, mē tâ b̄i'inè aa nzi a m̄m̄m̄ àb̄iint̄i àà. ⁵ Nji'ĩ ànnù ȳi mē mē swon̄ annù ma ȳu aa à ni mē tâ b̄i'inè ka ŋkòŋnè b̄i'inè ni b̄i'inè n̄i àkòŋnè ȳi mē a lò aa a m̄m̄m̄ n̄t̄i ȳi làà b̄ò n̄t̄i ȳi mē i sa'a n̄i bē aa, ȳi i laa, n̄i àb̄iint̄i annù n̄iŋkòŋè. ⁶ Bē b̄i m̄o'ò bi mà'atē mē ma juù ìnnù, n̄tigē n̄j̄iŋè, ŋghēē ŋkuu ni m̄ìghàà mi swùŋnè mi adàŋè dàŋè, ⁷ n̄l̄oò ni mē bo bē ŋḡãŋnd̄i'ĩ n̄òŋsè ti ghē mē bo z̄i ànnù ȳi mē bo swon̄ aa at̄u yaa a laa ghu, ti ghē mē at̄u yaa a k̄i n̄laa n̄i ànnù ya ȳi mē bo d̄i'ĩ n̄i t̄i àà.

⁸ B̄i'inè zi mē n̄òŋsè à b̄òŋ aa, mē mbē ŋù à ka mfa'a ni ghu a ni m̄ãnj̄i ȳi à tswe n̄i m̄fà'a ni ghù àà. ⁹ Nlon̄ mē b̄i'inè zi ma ȳu à làà, mē kaa bi lē ŋk̄i'ĩ n̄òŋsè gh̄irè aa a mbo bē b̄i mē ànnù yaa a tsinè, bi lē mbàŋnè ŋgh̄irè aa a mbo ŋḡãŋwo n̄òŋsè bo bi ŋḡãŋat̄i atu, bo bi a mbo b̄i'ì b̄o'ò Nwĩ, ni ŋḡãŋgh̄irè innù j̄i bi, ni a mbo bē b̄i mē kaa bi s̄i laa, bē b̄i mē bi b̄èḡitè Nwĩ aa, ni a mbo bē b̄i bi zwitè b̄i'it̄a byaa aa, bo bi bē b̄i mē bi zwitè b̄i'it̄a byaa, ni bē b̄i mē bi kee bē, ¹⁰ bo bi a mbo ŋḡãŋatsùùrè, bo bi a mbo m̄b̄ãŋnè n̄l̄òḡè m̄b̄ãŋnè, ni ŋḡãŋyèrè bē, n̄i ŋḡãŋtsweè ìb̄ãŋnènnù, ni ŋḡãŋk̄àà àb̄ãŋnènnù, bo bi a mbo bē b̄i mē bi gh̄irè innù j̄i m̄o'ò j̄i mē kaa i s̄i ku'unè n̄i ànnù Nwĩ yi annù n̄iŋkòŋ àà, ¹¹ kaa ŋk̄i'ĩ ȳòŋè ni n̄ìgha'a ni n̄toò ȳi n̄s̄iḡinè ya nlon̄ Nwĩ ȳi mē b̄i'inè gha'asē aa, n̄toò ya mē à n̄iŋè a n̄t̄er̄in̄èbo mē àà.

Paul à fâ m̀bi'ikə nlon ɲko m̀l̀ɲnè Nwĩ

¹² Mə fa m̀bi'ikə a mbo Kristo Yesu Mmà'àmbĩ yĩ'inè yĩi a fa m̀ida'a a mbo m̀ə nlon mə à le nyə gha m̀ə ku'ùnə mə mbə m̀ə fa'à a mbo yu nĩ n̄t̄i ghà tsim, a tso'ò gha a mum àfà'a yu aà.

¹³ Ka mə à le mbə a mbĩ m̀ə bəḡitè nĩ Nwĩ, n̄tso'ò nĩ àkòrə Kristo ɲkii mbəḡitè nii aa, lá à le ɲko m̀l̀ɲnè ghà, nlon mə m̀ə le si gh̄irè aa ni bù'ù, kaa mburə ti a Nwĩ bĩ. ¹⁴ Ɔb̄ɔɲ Mmà'àmbĩ yĩ'inè i le nan̄sə nswi'inə nlon ɲgaa yà, nĩ àb̄iint̄i, n̄ àkòɲnè yĩi mə a tswe a nu Kristo Yesu aà.

¹⁵ Nìghàà n̄l̄à ni təə, ɲku'unə a mbii tsi'ĩ n̄tsim̄ə: Mə Kristo Yesu à le mfè'è f̄aa mbi aa a nyweensə ɲḡan̄gh̄ir̄ə inn̄u j̄i bi, m̀ə b̄ə n̄tsyamb̄i a tit̄i bo. ¹⁶ Lá ɲji'ĩ ànn̄u yĩi mə Kristo à le ɲko m̀l̀ɲnè ghà ghu aa i bə mə, tsi'ĩ tsò n̄tsyamb̄i ɲḡan̄gh̄ir̄ə inn̄u j̄i bi, t̄a Yesu Kristo t̄a à d̄i'ĩ ann̄ n̄tsw̄ant̄i yi ya mə a kò'ò n̄tsirə aa a nu m̀ə t̄a à bə al̄ensə, a mbo b̄ə bya b̄i mə bi ka niɲ m̄int̄i myaa ghu nu ta tswe n̄ n̄tsw̄ent̄i yĩi ì lw̄i'ĩ n̄ɲkon̄ aà. ¹⁷ T̄a n̄igha'a n̄ àghu'usə, t̄a tswe a mbo Mfò ɲḡu'u ɲgu'u, ti kwô, yĩi bi si yə aa, mə à ni Nw̄iɲḡɔɲ ȳu yiḡè aa, n̄lw̄i'ĩ n̄ɲkon̄ə. Amen.

¹⁸ Timoti, mú ghà, m̀ə niɲ n̄d̄i'ĩ yulà a múm n̄tər̄in̄əbo wò, yĩi mə ì yòɲə ni n̄ighàà nii ɲḡan̄ntoò Nwĩ à le nswon̄ a mbĩ aà, nya mə ni le n̄tso'ò gho aà, t̄a ni gh̄irə mə t̄a ò ka nan̄sə nto n̄tsò yĩ siḡin̄ə wa ni nu. ¹⁹ Nan̄sə n̄tswa ab̄iint̄i, n̄ àl̄aa nt̄i; b̄ə b̄i m̀ə'ò, n̄tsya a n̄j̄m̄ aj̄an̄ mə bo t̄uù m̄ə àl̄aa nt̄i aa, b̄ə b̄i m̀ə'ò bi m̀ə'è m̄ə àb̄iint̄i yaa a gheè ɲkon̄ə a ɲki. ²⁰ A tit̄i b̄ə ma bù Hymenaeus ni Alexander bo tswe ghu, bo b̄i

mə mə fà mə a mbo Satan mə tá bo yəgə nzi mə kaa a sì ku'unè a mbègìtə Nwĩ.

2

Ajànə boŋ nghòtə tsà'atə Nwĩ aà

¹ Annù yĩ wè yĩ mə a tswə ghu aa a bə mə mə di'itə ghuu mə nàa mbu'u mbo a mbo Nwĩ ntsa'atə nĩ Nwĩ, òwa'atə nĩ bə bí mɔ'ɔ, ŋkii mfa nĩ m̀bi'ikə a atu bə b̀tsimè, ² a atu b̀fò, bo bì bə bí wè b̀tsim, mə mbə bí'inè ka mbɔɔ ŋe'esə ntswe, ŋki ntswe nĩ m̀bɔɔnə a múm ntswéntii bí'inè, a ŋka mbo'ɔ Nwĩ ŋkii mbo'ɔtə nĩ bə a nĩ ògòŋ b̀m̀m̀njĩ bí'inè bĩ tsimè ³ Ma yũ ànnù a boŋ ŋkù'unè a nsi mi'i Nwĩ, Ǹg̀aŋyweènə yi'inè ⁴ yĩ mə a kɔŋ mə tá ògòŋ bə b̀tsim yweenə, òzi annù nĩŋkoŋ nloŋə Nwĩ, ⁵ òloŋ mə Nwĩŋgòŋ à naa tsĩ'ĩ yĩ m̀ò'ò, òù yĩ mə à təə a titii bə bo bì Nwĩ a kĩ mbə aa tsĩ'ĩ yĩ m̀ò'ò, òù ma wa a bə aa Kristo Yesu, ⁶ yĩ mə à lə mfa ibii nú yi a nĩ m̀tsu'unè mi atu mi bə b̀tsimè. Nòò Nwĩ à lèè òku'u a ghìrè a fe'è òlaa nĩ òsi nĩ òsĩ. ⁷ Aà òji'ĩ ànnù yĩ mə Kristo à lə ntsɔ'ɔ gha ghu mə mə ka nswonə annù yi, ŋki mbə ŋgàŋntoò Kristo, mbə ndi'innù a mbo b̀tizĩ Nwĩ, a múm àb̀iintii nĩ ànnù nĩŋkoŋə. (Wa mə swonə aa tsĩ'ĩ ànnù, kaa mə si aa ònnù tswɛɛ.)

Annù yĩ mə a ku'unə a mbô mb̀aŋnè bo b̀aŋgyè mə b̀aà ŋghìrə a múm òghòtə aà

⁸ Ma mùu ajàn, mə lòɔ mə, a nĩ ògòŋ idìgə tsim, tá mb̀aŋnè ka ntsa'atə Nwĩ, ŋŋɛɛ nĩ mbô myaa m̀ii mi laa, a ndəŋ, ntsuu ntɔŋ kĩ lwìsè, ŋki ntsuu kĩ yòŋə.

⁹ A ŋki ŋghεε ghu, tâ bångyè ka ŋwε'ε nû jyaa tâ ì ku'utə, a ni mânjì m̀tsyè, kaa ŋki'i itú jyaa ka mba'à, ŋkii ntsuu njoo jii bi nanşə nî àtì gold aa ki wε'ε, kè bê m̀bum njoo atìndùù jii bi twonə ni pearl aa, ntsuu itsə'ə atìndùù ki wε'ε, a ndi'i ajàn mə bo boŋ a nyə aà, ¹⁰ m̀baŋnə ŋka ŋghirə nàa innù jì sigìnə, jii i ku'unə a mbo bångyè bii bi bii mə bo bo'ɔ Nwí aà. ¹¹ A ku'unə mə tâ m̀angyè à ka nyəgə innù tsi'i àtsi tsi, ŋka yu'unə a ni b̀m̀anjì bitsimè. ¹² Kaa m̀ə s̀i gha bii mə tâ m̀angyè à ka ndi'i annù, kè ŋki ntswe nî àdà'á a atú m̀baŋnə, tâ à ka tswe tsi'i àtsi tsi. ¹³ Nlon mə bi lε mfòð ǹnanşə aa Adam ti Eva. ¹⁴ Kaa bi lε ŋki'i aa Adam bwe'esə. Bi lε m̀baŋnə m̀bwe'esə aa m̀angyè wa a tigə ŋwo ǹŋşə Nwí. ¹⁵ Lá m̀angyè à ka yí yweenə tsya aa a ǹj̀m̀ ǹjwe b̀ò, mə mbə a ghεε nî m̀b̀i nî àb̀iintii, bo bi àk̀òŋnə, ŋki nlaa, ŋghirə nî innù aa a ni mânjì ỳi à kù'ùnə aà.

3

Ifà'à bilii bi ndânwì a m̀m̀ ŋghòtə

¹ Nìghàà ǹl̀à ni tə̀, ŋku'unə a m̀b̀i: Mbə ŋù a ka nyə'ətə a m̀b̀ə ǹd̀i ǹd̀ânwì, boŋ a yè'ətə aa ŋka mfà'á ifà'à yí sigìnə. ² Lá tâ ǹd̀i ǹd̀ânwì à bə ŋù ỳi mə mbə bi wa'ǎ ifirə yi ka mfa, tâ à ki mbə ŋù m̀angyè m̀ò'ò, m̀bə atsikə ŋù, m̀bə ŋù ỳi a tsyèsè ǹi, m̀bə ŋù ỳi mə kaa à si ndùu nù yi swi'i, m̀bə ŋù ỳi mə a kwεrə big̀i, ŋki m̀bə ŋù ỳi mə mbə a di'ì ànnù, ³ kaa ki'ì ǹi m̀l̀ù'ù nò m̀baanə, kaa ki'ì ǹi f̀ik̀òrè t̀o m̀baŋnə m̀b̀onə, kaa ki'ì nî àỳòŋ k̀ò'ò, kaa ki'ì ŋkabə si'ì ki ŋkɔŋə.

⁴ Tâ à bə ɲu yï mə a sa'a ndâ yï i siginè, ɲghirə ni mə tâ bɔ̀ bi ka nyu'unə ɲkii mbo'ɔtə nɪ bə a idigə tsimè, ⁵ ɲlon mə mbə ɲu a tsuu nsa'à ndâ yï zi boɲ mbə a tigə ɲlentə ɲghotə Nwĩ aa mə akə aa ε? ⁶ Tâ à tsuu ɲu yï mə à ghèsə mbii Kristo tsi'ĩ bĩ aa bə, boɲ à ka ki ɲee ibè'ê ji ni kàntərə, i tigə wó a njo tsó Devil. ⁷ A ɲghèε nì mbĩ, tá à bə ɲu yï mə bǎbεε beentə nii tsi'ĩ siginè, tá tá bì wa'à lò ɲka ɲghaantə nii tá à wo a ɲkìrè Devil.

Bìkwetə a múm ɲghotə

⁸ A ki mbə ajəɲə mə bìkwetə bi ɲghotə bi tswe nì mbə bə bĩ bǎ bɔ'ɔ waa, kaa ɲki'ì nì mǐghàà mi mbaa ghàà, ntsee bɪnono kii bə, kaa ɲki'ì nì ɲjoo ɲkòbè ghotə. ⁹ Tâ bo naɲsə ntswa annu ɲɲkəɲ ya yï mə bi dǐ'ì mē a fε'è ɲlaa aa, ɲlonə abĩintiĩ aa nĩ àlaa ntĩ. ¹⁰ Bi tswe nì m̄foo nywe'etə waa, bεε mə bo dǐ'ì mə kaa bo s̄ nĩ àlò'ò tswé, bi ma'atə bo tigə m̄fa'a a múm ɲghotə tsi'ĩ tsó bìkwetə. ¹¹ A ku'unə mə tá bəɲgyé byaa ki mbə bə bĩ mə bǎ bɔ'ɔ, kaa ɲki'ì nĩ ɲgi'ì nĩ ìkùm bə tá, lá m̄baɲnə mbə itsíkə bə, m̄fa'a nĩ ɲgòɲ ìnnũ tsim nĩ ntĩ waa tsimè.

¹² A ku'unə mə tá ɲkwetə ɲghotə a bə ɲu m̄əɲgyé m̄'ò, ɲka ntswa ndâ yï bo bì bɔ̀ bi siginè, ¹³ Nlon mə bìkwetə bĩ bi fà'a ifà'á waa siginè aa, bo təə nĩ àbwarə yï siginè, ɲki ntswe nì àtəɲəntĩ a múm àbĩintiĩ yaa a nu Kristo Yesu.

Annù yĩ ləəntə yĩ wè yá

¹⁴ Mè ka zĩ a mbèε wò a ni mú àtĩ noò, lá mə ɲwà'ànə aɲwà'ànə yú a mbo wò aa a ndi'itə wò, ¹⁵ tà m̄bεε mə tε'ε ntigə a nzi, ò zĩ àjəɲə mə a

ku'unə mə tã ò ka nghirə innù a mûm ñgwè'ε
 Nwĩ aà; ma yú à ni nghotê Nwĩ wa yĩ mə à tswe
 ntii aa, mbə ntə'è ñda, ñki mbə ñgò'ò àtsənda
 yĩ ñtinsə, mə ì tswa annũ ñĩkonə aà. ¹⁶ Kaa à si
 annù mə mbə bi ligitè bē, mə, ànnũ ajàṅə mə
 bĩ'inə ñgha'asə Nwĩ, yĩ mə à lèəntə a mi'i bə aa,
 à ñi ànnũ yĩ wè, ànnũ ma ya a bə mə ε,
 A le nzĩ a ni mārè ñù mīsɔṅ
 Azwĩ Nwĩ a di'ì mə ànnũ yi le ntsinə
 baangel bi yê yi,
 bi swonə ànnũ yi a itoo itoo,
 bə fàa mbi bi ñĩṅ ñtii waa ghū nu,
 Nwĩṅɔṅ a logè yi ñkò'ɔ ñghεε ni ghū a
 aburə ni ñgha'à.

4

Bìdì'ì binnù bi mbwe'esè

¹ Lã Azwĩ Nwĩ a swonə a laa mə à ka yĩ ki bə a
 noò ñjĩm tã bə bĩ mɔ'ɔ ma'atə abiintii ya ntigə
 nyu'u nàa innũ izwĩ jii i bwe'esə bē bo bi innù jii
 mə bídemon di'ì aà. ² Ñgãṅabagilè jii mə mĩntii
 myaa mi kwò mē tsi'ĩ tsó bi tɔɔ ñi mɔ'ɔ aa, baa yĩ
 tigə ki sèənsə ñi innù ma jũ. ³ Bə ma bú bi di'ì ni
 mə kaa a si ku'unə a nyo'ò, kaa wa'à ki ñku'unə
 a ñji m̄buu mijji mi mɔ'ò. Lã a mbuu mijji ma jũ
 aa a le naṅsə Nwĩ mə tã bə bii mə bi bii Nwĩ aa,
 ñki bə bē bii mə bi zĩ mə annù ñĩkonə aa, tã bi
 ka ñji mfa ñi m̄bi'ikə a mbo Nwĩ. ⁴ Wa ñgɔṅ ñjoò
 tsĩm jii mə Nwĩ à le naṅsə aa i bɔṅê, tã bi tsuu
 ayoo tsu ki tuu mə mbə bi kwērə mfa m̄bi'ikə,
⁵ ñlonə mə maa ajàṅ, bi ghìrè mē m̄ji mya mi laa
 ntsya a ñjĩm ñghàà ni Nwĩ bo àtsà'àtə Nwĩ.

Ngàṅàfà'a Kristo Yesu yî òsigìnè

⁶ O bə fa ndi'i mà jú a mbo bìlím bí'inè bya, bon ò ka bə ṅgàṅàfà'a Kristo Yesu yî òsigìnè òlɔŋ mə bi ko'o nòo ni mighàa mi ntoò Kristo yî bí'inè bii aa, bo bì ònnù jî sigìnè jya jii bí'ině dî'i, ò kii ònyonə aà. ⁷ Lá tsuu ni annú tsu a ṅghìrə bu bì ìtìrə nɔyàlà'à jii mə Nwî à sî ghu tswé aa lõ tswe. Mìrìsə ibii nú gho a ṅka mbo'ɔ Nwî. ⁸ ṅka m̀r̀s̀ə̀ ǹjỳanu, a b̀oǹtə a ni m̀aǹj̄i ȳi m̀ò'ô, lá ṅka m̀r̀s̀ə̀ gho a ni ànnù mbo'ɔ Nwî a b̀oǹ a ni b̀im̀aǹj̄i bitsim òlɔŋ mə a tswe nî ṅkà'a nlon ntswèntii yî ì lwî'i n̄ṅkonə aa, ts̄its̄on bo bì a ni nòò òlwî'i òj̄imè. ⁹ Nìghàa ma nú ni təè ṅku'unə a mbii tsi'i n̄tsimè. ¹⁰ Bì'inè naṅsə ṅgaansə ni m̄it̄i m̄i'inè, ònwugə n̄i nú yì'inè aa a ntswe n̄i n̄tswèntii ma ȳu mə Nwî à kà'à aà òlɔŋ mə bí'inè bɛ, n̄tɛ'ɛ it̄u j̄i'inə a nu Nwî ȳi mə à tswe n̄t̄i aa, mbə yu wa ȳi mə à ni ṅgàṅnywèensə bə bì tsim aà, ònaṅsə bə aa ṅgàṅnywèensə bə bii mə bi n̄ṅ m̄int̄i myaa a nu yu aà.

¹¹ Yə mə o swonə ònnù ma jú ṅkii ndi'i n̄i waa ghu.

¹² Tsuu lõ mà'àtə mə bə ka ntsa'a nòo nlon mə ò ni m̄un̄khə aa bə. B̄an̄nə mbə figè à mbo bə bii mə bi bii Nwî aa, a ni òghàa ni n̄tsú no, ni àkòrè n̄zi yo, n̄i àk̄on̄nè, n̄i àb̄iint̄i, ni àjanə mə ònnù jo ì laa aà. ¹³ Mbɔŋ t̄a m̄è zi, lògè noò ṅka ntwon àṅwà'ànè Nwî a mbo bə, òndi'itə ṅkii ndi'i n̄i waa ghu. ¹⁴ Ka mfà'à ni m̄it̄on̄nè mya m̄ii mə Azwî Nwî a lɛ mfa a mbo wò a àjan mə ṅḡan̄ntoo Nwî lɛ ṅkè'ènè, wa noò mə ṅghòt̄è bìl̄i bi nd̄an̄w̄i ya bi lɛ nswon ònnù a mbo wò ṅki n̄on̄sə mb̄o myaa

a atu wò aà. ¹⁵ Ka nghìrè ma jù ìnnù nanşə mfa ibi nù gho ghu, tâ bè bîtsim yə a ajàn mə o ghèè nî mbîi aà. ¹⁶ Ka ntsyèsə nî ibi nù gho, bo bi nî ìnnù jii o dîi aà. Nanşə ntswa nkwo ghu, nlon mə ò bə ki ghìrè maa ajàn bon ò ka yweensə ibi nù gho i kii yweensə bê bii mə bi yu'u annù yii o swonə aà.

5

Ajàn yii mə Timoti à tswə nî nkwa ndi'itə bilii aà

¹ Tsùu a nù ndi ki tsə'ə bê, bəŋnə nkwa ndi'itə nii tsi'i tsə ajànə mə o ghàa a mbo taà ghò; ka nlonə bəjòn tsi'i tsə bilim bô, ² nlogə bilii bi bəŋgyè tsi'i tsə bîndê bô; ləgə bəwə ngòò tsi'i tso bîjàantə bô, nsi'i nlaa bu bo.

³ Ka mbə'otə bikwi'i bi bəŋgyè bii à nanşə mbə bikwi'i aà. ⁴ Mbə nkwi'i məŋgyè a tswə ni bəò bi kə bəwə bi bəò bi, a ku'ùnə mə tâ bəwə bya foo ndi'i annù ya mə bo yəgə a nkwa nghìrə a múm ànnù Nwî aa a ngwè'ə bo, tá kwi'inə ibòn a mbo bitaà byaa bo bîmaà byaa nlon mə Nwîngòn a beentə ajànə annù ma yú. ⁵ Məŋgyè yii mə à nanşə mbə nkwi'i bi ma'atə yi a tswé yu yu aa, à nanşə nte'ə amòntə yi a nu Nwî, nğhə nî mbîi nyə'ə ni a mbo Nwî, ntsa'atə nî Nwî nî tugə nî àsi'inə ⁶ Nğhə nî nkwi'i yii mə a ji mbi aa, à tē'è mē nkwo, ka mə à bürə ntswe ntii aà. ⁷ Fa ndi'i mà yú a mbo bo, tá tâ bo wa'à nî ànnù yî ghàantə yî tsu a nu bo tswé. ⁸ Mbə nù à tsuu ngəŋgwè'è jyaa ki lèntə, nnanşə ntsuu yii ngwè'è ki lèntə,

bəə boŋ à mè'è mē aa abiintii ya, n̄tigə mbu mbi'i ntsya n̄u yii kaa à s̄i Nwī bii.

⁹ Nwà'ànə tsi'i ìkũm ŋkwi'i yii mə kaa à burə ti ilòò mighum mi nto'o tsyâtə, yii mə à le ŋki yɔ'ɔ aa tsi'i a n̄umbân̄nè yī m̄fùùrè. ¹⁰ Tâ à ki mbə n̄u yii mə bə nan̄sə nzi yi nlon̄ innù j̄i siḡinè j̄ii mə a gh̄irə aa, tsi'i tsó ànnũ ŋko'o bɔɔ siḡinè, ànnũ ŋkwɛrə b̄iḡi, a ajàn̄ mə à lèè n̄si'i mikòrè mi bē bi Nwī, ŋkwetə bē b̄ii mə bi tswe a ŋḡi'i, ŋki nan̄sə mfa ibīinũ yi a ŋka ŋgh̄irə innù j̄i siḡinè a ni b̄im̄ân̄j̄i b̄itsimè.

¹¹ Tsùù gh̄o ìkũm ŋkwi'i yii mə à burə a ni m̄un̄ḡòò aa l̄õ nwà'ànə, n̄lon̄ mə innù j̄ii mə n̄jyánũ yī i yè'ətə aa, i ka gh̄irə mə tâ à lɔɔ mə yu b̄ũ yɔ'ɔ, mmà'atə a ŋka mfà'á a mbo Kristo. ¹² Maa ajàn̄ tâ bo tigə ŋkuu a njo, a mbo Kristo, n̄lon̄ mə b̄o wò mə akàà yi mb̄ii yii mə bo le ŋwàrə bo bo aà. ¹³ A tɛ'ɛ ntsuu bə la bə, boŋ bo yègè mē a ŋka gh̄ensə nòò, ŋkuu ni m̄ila'a mfè'è, kaa wa'a aa tsi'i ŋgh̄ensə nòò bē, bo k̄i mē n̄yəgə fiswon̄, n̄niŋə n̄i àb̄o yaa n̄i àfà'á badàn̄, ŋghaa n̄i innù j̄ii mə kaa bo s̄i n̄i ŋghaa tswé, ¹⁴ Tsó mə a bə laà aa, maa swon̄ mə tâ b̄ikw̄i'i b̄ii mə bi burə ni bɔɔŋḡòò aa, tâ bo bu n̄yɔ'ɔ, n̄jwe bɔɔ, ŋka n̄lentə nd̄a jyaa siḡinè, n̄tsuu l̄õ fa abwarə mə tâ ŋḡan̄k̄ib̄aà wa à ka mbəḡitə yi'inè. ¹⁵ Nlon̄ mə b̄i mɔ'ɔ bi t̄è'è mē m̄fa'a nyòŋə Satan. ¹⁶ Ts̄its̄on̄, m̄bə m̄an̄gyè yii mə à b̄ii Kristo mbə a tswe ni bə a ŋgwè'ɛ yu mə bi ni b̄ikwi'i, a ku'ùnə mə tâ à ka ŋkwetə waa; tâ bi tsuu ŋghotə n̄i àbè'è si'i si'i l̄õ bè'èsè. Tã tâ ŋghòtə zi ajàn̄ə mə mbə i kwetə b̄ikw̄i'i bya mə à nan̄sə mbə b̄ikwi'i aà.

Annù yïi mə a boŋ mə bàa ŋghirə a nu bìlii bi ndânwĩ àà

¹⁷ A boŋ mə tâ bì naŋsə ŋka mbo'otə bilii bi ndânwĩ bĩi bi fà'a sigìnə a ntsyàsə bè aa, ŋki nnaŋsə ntso'ɔ nĩ ìfà'á waa, naŋsə mbə bya bii bi nwùgə nũ yàà a nswoŋə annù Nwĩ bo bì a ndì'ì aà. ¹⁸ Nloŋ mə àŋwà'ànə Nwĩ a swoŋ mə, “Tsùu ntsũ mbòŋ kwerə a noò yïi mə i nwùgə misaŋə aà.” Ŋki mbu nswoŋ mə, “Wa ŋgàŋàfà'à à tswè nì ñkwèrə ŋkabə àfà'á yĩ.” ¹⁹ Tsùu gho lõ bii annù yïi mə bi niŋə a nũ ñdìi ndânwĩ ti ghě mə bìyəfə bi baa kə bi tarə bi diintə. ²⁰ I ghɛɛ ni bè bya mə bi tiŋnə a ŋghirə innù jĩ bi aa, ka ŋghàantə waa a nsi bè bìtsimə tã tâ àbùgə bê yə ŋka mbo'otə.

²¹ A nsi mi'i Nwĩ ni Kristo Yesu, ni baangel bii mə bi tso'ɔ waa laa, mə swòŋə a mbo wò ñkwantə mə tâ ò ka nləə ma juù ñdì'i, ñlentə nĩ innù a ni mánjĩ yïi à tsìnə aà. Tsuu lõ ghìrə annù tsu a ndì'i mə o sa'a isa'a ñjìmə. ²² Tsùu wàŋsə i ki nòŋsə mbô mo a atu bè, ñtsuu kii lõ niŋ abô yo a nĩ àfànsənnù ŋù dāŋə. Ləə mbhìnnù yò tâ ì laa. ²³ Tsuu tsi'ì ñkĩ bũ ki nno, ka mboɔ no milu'u a mũntsirə ñloŋ ni bùm no nya mə ni gha'a mfa ŋgi'i aà ñki nloŋ ajāŋə mə o ghòontə ñghoontə aà. ²⁴ Ifansənnù bê bí mɔ'ɔ i naŋsə mfɛ'è ntəə bi yə, ñdì'i ni mə ñjò ì tswè a abàa bo, lá ìbi bê bí mɔ'ɔ bi tigè nyə aa bə a ñjìmə. ²⁵ A ki mbə ajāŋə mə innù jĩ sigìnə jĩ mɔ'ɔ i kii mfɛ'ɛ ntəə bi yə. I laa bə tɛ'ɛ tsuu fɛ'ɛ təə bəə boŋ kaa mbə i wa'à tsi'ì a adigə lò'òsə tswè.

6

Annù nlon ibù'ù

¹ A bɔŋ mə tã ìbù'u tsìm ì zi mə a ku'unə a ŋka mbɔ'ɔtə bɪtaà byaa a nî ìnnù tsìm, tã tã ñù tsù à tsuu lɔ bəgɪtə ikum Nwî kə annù Nwî ya mə bɪ'inə dɪ'ì aà. ² Ìbù'ù jii mə bɪtaà byaa bi nî ñgǎŋmbii Kristo aa tsee waa ki tsa'a nlon mə bo bo tigə aa bɔɔ bi ma aà; m̄baŋnə ŋka mfa'a ifà'á waa ni m̄anji yii à kù'ùsə mbɔŋ aa, nlon mə bo fà'á aa a mbo bə bii mə bi bii Kristo bo k̄i ŋkonə waa aà.

Annũ ndi'i ibaŋnənnù bo bi àfù'ù

Ka ndi'i ŋkii nswonə aa tsi'ì ìnnù juà. ³ Mbə ñù à ka ndi'i annnù yii kaa a s̄i ku'unə ni n̄ghàà ni annù n̄ŋkonə nya mə à ni ni Mmà'àmbi Yesu Kristo aà, kə ìnnù jya jii mə i s̄i boontə a nî ndi'i nlonə annũ mbɔ'ɔ Nwî, ⁴ ñù ma wa a ŋee nũ yì ŋki nluu nî annù k̄intərə, kaa wa'á aa annũ tsu z̄i. Annũ ŋee nu a tswə ghū nu aa tsɔ n̄ghòò, a k̄ɔŋə ànnũ nswunə bo bi a ŋka yɔŋə bo bi bə n̄i ñji'ì m̄ighàà. Ajàn ma yû a z̄i n̄i àghè'ənə bo bi àyàtə, ñghirə bə bəgɪtə n̄i bə bi Nwî ŋkii ŋwa'atə n̄i ìmòòntə j̄i b̄i, ⁵ ŋki ntswe aa tsi'ì a ŋka nyɔŋə ŋkii nswunə bo bi bə bii mintiì myaa bi'ì si'ì, kaa annù n̄ikonə kaa a wa'á a ntii bo tswé, bo wa'atə ni mə annũ mbɔ'ɔ Nwî a bə aa m̄anji m̄fù'ù ñkabə. ⁶ Lã ŋka mbɔ'ɔ Nwî a z̄i n̄i àbèè yì wè, mə mbə b̄i'inə bii mə àyoo yii b̄i'inə tswə ni yu aa a ku'unə. ⁷ Nlon mə kaa b̄i'inə lɛ wa'à n̄i ayoo tsu fàa mbi fè'è, kaa mbə b̄i'inə wa'á ayoo tsu fàa mbi ki nlogə a noò yii b̄i'inə kwo aà.

⁸ Maa ajàṅ mbə bǐ'inè tswe ni mǐjǐ bo bì ìtsè'è jǐ wè'è bǐ'inè ka ndoritə. ⁹ Bè bǐi mə bi yè'ètə a mbə ṅgǎṅkabə aa, ìkwà'ànè i yə waa, bo wô ni a mûm ìtaa jǐ ghà'àtə, ìyè'ètə jǐi mə à ni jǐ àjǐntə aa i swuṅə nê waa mma'a, nləənsə nê waa, nta nê ṅgi'i a nu bo. ¹⁰ Annũ ṅkǒṅ ṅkabə à nê ṅgàṅ yǐi ìbǐ tsim i too ghu aà. Aâ ànnũ ìyè'ètə ṅkabə si'i mə a ghìrə mē mə tâ bè bi mɔ'ɔ mme'e abiintǐi yaa, nninṅ ìla'a jǐ ghà'àtə a mûm ntiṅ bo.

Adi'itə mbo Timoti

¹¹ Lâ a ṅghèε ni wò, ṅù yǐi mə o bɔ'ɔ nê Nwǐ aa, ka ṅkhə innũ ma jũ tsimə; ìnanṅsə nte'ε atũ yo a nê ànnũ ṅka ṅghìrə innũ jǐi i tsinə aà, ànnũ a ṅka mbɔ'ɔ Nwǐ, àbǐintǐi, nê àkòṅnè, ànnũ ṅka ntswâ ntiṅ, bo bì ànnũ ṅka mbɔnè. ¹² Ka nto ntsǔ abiintǐi yǐ sigìnə wâ, ntswa ntswèntǐi tǐ mē yǐi mə Nwǐ à le fa a mbo wò fyâ noò mə ò le ntəə mbii a nsi mi'i bìyəfə bǐ ghà'àtə aà. ¹³ A nsi mi'i Nwǐ yǐi a fa ntswèntǐi a mbô ṅjoò tsim, ni a nsi mi'i Kristo Yesu yǐi à le nanṅsə swonṅə annũ nṅṅkoṅ a nsi Pontius Pilate, wa noò mə à le si tso'otə isa'à yi aa, ¹⁴ mē swonṅə a mbo wò ṅkwantə mə tâ ò ləə ndi'i Nwǐ jya tâ ì laa, nê mǎnṅjǐ yǐi mə mbə ṅù a wa'à firə, ìnywe'e a njwi yǐi Mmà'àmbi Yesu Kristo à ka yǐ zǐ aà. ¹⁵ A ka yǐ fè'ε tsi'ǐ a noò yǐi à kù'ù aa, a ajàṅ mə a ləə Nwǐṅṅ, yǐi mə bǐ'inè gha'asə aà, a bə tsi'ǐ yù mbə Mbu'utəmbǐ, mbə mfɔ bǐfò, nǐ Mmà'àmbi bì mǎmà'àmbǐ. ¹⁶ A ni tsi'ǐ yù yǐi à tswe nṅṅkoṅ, ntwè a mûm ṅkà'à yǐi mə kaa mbə ṅù a wa'à ghu koontə, mbə yu yǐi mə kaa ṅù à lèè ṅwa'à yə, kaa mbə wa'à kǐ

nyə. Tâ à tswe nî àghu'usè ni mîdà'à a mbu'utə bə nîŋkoŋə. Amen.

¹⁷ A ŋghɛɛ a mbo bə bii bi tswe nî ŋkabə fàa mbi aa, naŋsə kwantə waa mə bì tsuu nú jyaa ki ŋee, ntsee atú yaa a nî àfù'ù yii mə a tsyǎ tsyà aa ki tɛ'ɛ, mbaŋnə nɛ'ɛ atú yaa a nu Nwǐ yii mə a fa njoò tsim ti liŋə a mbo bə mə bàa nji ni nìdorə aà. ¹⁸ Mə tâ bo ka ŋghirə ibòŋ tâ àfù'ù yaa bə ŋghirê ìnnù jǐ sigìnə, ñka ŋwanŋsə mfa kaa wa'à gitə nî àbo, ¹⁹ maa ajàn tâ bo ka nləə afù'ù yii à ni atsəndâ yaa yǐ sigìnə yii bo boɔ a ni nòò yii a zǐ aà, tǎ zi ajàn yii mə mbə bo tswâ ntswəntǐ ya yii à ni yǐ ànnù nîkoŋə aà.

²⁰ Wò, Timoti, naŋsə nləə annù ya yii bi lɛ mfa a mbo wò aà. Ka ŋkhə mǐghaa mya mii mə bə bii mə bi si Nwǐ bo'ɔ bi ghàà, ñligitə ni nìghàà ni Nwǐ ghu, mbwe'esə ntwonə ni mǐtsyè aà. ²¹ Nlon mə bə bí mɔ'ɔ lɛè m̀mɔɔntə mə bo tswe nî mu, ajàn ma ya a ghirə bo fànə mǎnjǐ àbǐintǐ wa aà.

Tâ ibòŋ Nwǐ tswe a mbo bù.

Bafut
Bafut: N̄toò Kristo yî N̄sigìnè: mìkàà yî mfiì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2022-10-27

PDF generated using Haiola and XeLaTeX on 21 Feb 2024 from source
files dated 27 Oct 2022

5d039b4a-c9a1-50b1-8a61-176cf48aa271